

“চট্টগ্রাম জেলার মীরসরাই উপজেলার উন্নয়ন পরিকল্পনা প্রণয়নঃ সার্বিক দুর্যোগ ব্যবস্থাপনাকে ভূমি ব্যবহারের মাধ্যমে সম্পৃক্তকরণ” শীর্ষক প্রকল্পে ২০/১০/২০১৭ তারিখে মীরসরাই উপজেলার ১২ নং ইউনিয়ন এ অনুষ্ঠিত PRA সেশনের প্রতিবেদন

- প্রকল্পের নাম : “চট্টগ্রাম জেলার মীরসরাই উপজেলার উন্নয়ন পরিকল্পনা প্রণয়নঃ সার্বিক দুর্যোগ ব্যবস্থাপনাকে ভূমি ব্যবহারের মাধ্যমে সম্পৃক্তকরণ” শীর্ষক প্রকল্প
- PRA সেশন অনুষ্ঠিত হওয়ার তারিখ, সময় ও স্থান : ২০/১০/২০১৭ তারিখে মীরসরাই উপজেলার ১২ নং ইউনিয়ন এ ইউনিয়ন পরিষদ চেয়ারম্যান এর বাগানবাড়ীতে PRA সেশন অনুষ্ঠিত হয়।
- উপস্থিতির তালিকা : PRA সেশন এ উপস্থিতির তালিকা পরিশিষ্ট ‘ক’ তে সংযুক্ত করা হলো।
- আলোচনা : “চট্টগ্রাম জেলার মীরসরাই উপজেলার উন্নয়ন পরিকল্পনা প্রণয়নঃ সার্বিক দুর্যোগ ব্যবস্থাপনাকে ভূমি ব্যবহারের মাধ্যমে সম্পৃক্তকরণ” শীর্ষক প্রকল্পের প্রকল্প পরিচালক প্রকল্পের সার্বিক বিষয়াদি সম্পর্কে ধারণা প্রদান করেন। PRA সেশনে নগর উন্নয়ন অধিদপ্তরের পরিচালক মহোদয়সহ প্রকল্পের অন্যান্য সদস্য উপস্থিত ছিলেন। আলোচনার শুরুতে প্রকল্প পরিচালক আনুষ্ঠানিক পরিচয়পর্ব পরিচালনা করেন। এরপর তিনি নগর উন্নয়ন অধিদপ্তরের কার্যক্রম এবং মীরসরাই উপজেলার জন্য চলমান উন্নয়ন প্রকল্প সম্পর্কে উপস্থিত জনগণকে অবহিত করেন। তিনি উল্লেখ করেন যে সমস্যা মোকাবেলায় মীরসরাই উপজেলার জন্য যথাযথ পরিকল্পনার প্রয়োজন। তিনি উপস্থিত সদস্যদের তাদের স্ব-স্ব এলাকার সমস্যাগুলো উপস্থাপন করার অনুরোধ করেন। পিআরএ সেশনে উপস্থিত সদস্যরা ক্ষতিগ্রস্ত সড়ককে তারা ইউনিয়ন এর মূল সমস্যা হিসেবে আখ্যায়িত করেন। সামান্য বৃষ্টি হলে ইউনিয়ন এর অধিকাংশ সড়ক চলাচলের অনুপযুক্ত হয়ে পড়ে বলে তারা জানান। এছাড়া ইউনিয়ন বহুসংখ্যক সড়ক এখনও কাঁচা যেগুলো বৃষ্টিতে কদমাজ হয়ে হাঁটার অনুপযুক্ত হয়ে পড়ে। এলাকাসী পাহাড়ি ঢলের কারণে আসা পানি সঠিকভাবে নিষ্কাশিত না হওয়ার ফলে জলাবদ্ধতা হয়ে থাকে বলে জানান। এই জলাবদ্ধতার পাশাপাশি বৃষ্টি হলে প্রায় সময় এলাকায় পানি জমে যায় বলে তারা জানান। এলাকাসী জলাবদ্ধতা নিরসনে খাল সংস্কারের দাবী জানান। এছাড়া তারা ইউনিয়ন এ পর্যাপ্ত শিক্ষা প্রতিষ্ঠানের অভাব রয়েছে বলে জানান। পাশাপাশি একটি আধুনিক মানের হাসপাতাল প্রয়োজন ইউনিয়ন এ। ইউনিয়ন এ কোন উন্নত হাসপাতাল নেই বলে এলাকাসী উল্লেখ করেন। তারা বলেন নিকটস্থ স্বাস্থ্য কমপ্লেক্স তাদের ইউনিয়ন থেকে অনেক দূরে অবস্থিত হওয়ায় সবার পক্ষে সবসময় সেখানে চিকিৎসা নিতে যাওয়া সম্ভব হয় না। এলাকাসী জানান ইউনিয়নে কেন্দ্রীয়ভাবে তেমন কোন নাগরিক সুবিধাদি নেই। পরবর্তীতে ইউনিয়ন পরিষদের চেয়ারম্যান ইউনিয়নে একটি কলেজ নির্মাণ করা দরকার বলে জানান। এছাড়া ইউনিয়ন পরিষদের জন্য নিজস্ব ভবনের প্রয়োজন বলে জানান। এছাড়া, ক্রমাগত কৃষি ভূমি হ্রাস, বাজারের স্থানের অভাব, কারিগরি শিক্ষা প্রতিষ্ঠানের অভাব ইত্যাদি নানা সমস্যার কথা তুলে ধরেন এলাকাসী। পিআরএ সেশনে সমস্যাগুলি বিষয়ে নিম্নলিখিত সিদ্ধান্ত গৃহীত হয়-
- সিদ্ধান্তসমূহ : ১। অপ্রসস্থ ও কাঁচা সড়ক  
২। প্রাথমিক বিদ্যালয়ের অভাব  
৩। পাহাড়ী ঢলে জলাবদ্ধতা  
৪। কৃষির উৎপাদন কমে যাচ্ছে  
৫। হাট বাজারের অভাব  
৬। আধুনিক হাসপাতাল নেই  
৭। কারিগরি শিক্ষা প্রতিষ্ঠানের অভাব  
৮। বর্জ্য ব্যবস্থাপনার অভাব  
৯। আধুনিক হাসপাতাল নেই

পিআরএ সেশনে উল্লেখিত সমস্যাগুলোর সমাধান নিয়ে আলোচনা করা হয়। উপস্থিত সদস্যদের ইউনিয়ন এ প্রয়োজনীয় সুবিধাসমূহের সম্ভাব্য অবস্থান সরবরাহকৃত মানচিত্রে প্রদর্শন করার জন্য অনুরোধ জানানো হয়। প্রাথমিক বিদ্যালয়, হাসপাতাল, বাজার ইত্যাদি স্থাপনের সম্ভাব্য জায়গা উপস্থিত সদস্যগণ সংশ্লিষ্ট মানচিত্রে এঁকে দেখান।